

SCRIPT OF EVENING GOJRI NEWS BULLETIN 24MAR 2025

1700HRS

اوننگ گوجری نیوز بولینٹن 24 مارچ 2025

یوہ آکاشوانی جموں ہے محمد آسف تے نصرت تیں خبر سُنو۔

HEADLINES

- ۱۔ وزیر اعلیٰ عمر عبداللہ نے کہیو ہے کہ دہشت گردی لوکاں غی حمایت توں بغیر ختم نہیں ہو سکتی۔
- ۲۔ وزیر اعلیٰ غو کہنو ہے جے سرحد ور باڑ دین غی خاطر لوکاں ناں اُن غی زمیناں غو ۴۴ کروڑ روپیاں غی رقم معاوضہ غا طور ور دتی گئی ہے۔
- ۳۔ تعلیم غی وزیر سکینہ اتو نے کہی وے کہ حکومت نوا ڈگری کالجاں غی خاطر تمام ضروری ڈھانچہ ناں پورو کرن غی خاطر کم کر رہی ہے۔
- ۴۔ نوجوان خدمات تے امور صارفین غا وزیر ستیش شرما نے کہیو ہے کہ حکومت نے گجر بکروال ہوسٹل غی خاطر ۸۱ سو ۳۳ لکھ جدکہ پہاڑی ہوسٹل غی خاطر ۴۹۲ لکھ روپیاں غی رقم جاری کی ہے۔
- ۵۔ نوی ترین آرائش شدہ درشنی ڈیوڈی تے نوو تعمیر شدہ دومنزلہ قنار غو نظام آلو کمپلیکس چائیترا نوراتری غا زائیرن غا خیر مقدم واسطے تیار ہے۔

CM MILITANCY

وزیر اعلیٰ عمر عبداللہ نے اج کہیو کہ جموں کشمیر ماتہ عسکریت پسندی عوام غی حمایت تیں بغیر ختم نی کی جاسکتی۔ آکاشوانی جموں گا نمائندہ غی رپوٹ غے مطابق وزیر اعلیٰ نے کہی وکہ اُن غی حکومت مرکزی وزارت داخلہ غینال تعاون کر رہی ہے تانجے مرکزی زیر انتظام ماتہ امن اومان برقرار رہے۔ وزیر اعلیٰ نے مزید کہیو حالانکہ سیکورٹی براہ راست ماری ذمے داری نی ہے لیکن دہشت گردی غو خاتمو عوام تیں بغیر ممکن نی۔ وزیر اعلیٰ اسمبلی تیں بار صحافیاں نال گل کرتا واکہ رہیا تھا اے یا گل بین الاقوامی سرحد غے قریب بیرہ نگر سیکٹر غا کٹھوعہ ضلع غا سنیاں گراں ماتہ جاری انسداد دہشت گردی کاروائی غا بارا ماتہ ایک سوال غا جواب ماتہ کہ رہیا تھا وزیر اعلیٰ عمر عبداللہ نے مزید اس طرح کہیو۔

CM IB FENCING

وزیر اعلیٰ عمر عبداللہ نے کہیو بین الاقوامی سرحد ور باڑ لان تیں متاثرہ کساناں ماتہ ۱ سو ۴۴ کروڑ روپیہ تیں زیادہ غی رقم ادا کی جاچکی ہے۔ آکاشوانی جموں گا نمائندہ غی رپوٹ غے مطابق وزیر اعلیٰ نے کہی وکہ ۱ سو ۵۵ کروڑ ۸ لکھ روپیہ بطور معاوضہ مختص کیا گیا تھا جس وچوں ۱ سو ۴۴ کروڑ ۲۱ لکھ روپیہ زمین مالکاں ماتہ پہلاں ہی دتا جا چکا ہیں جدکہ باقی رقم مالکیت غی تصدیق غا عمل ماتہ ہے۔ وزیر اعلیٰ نے ایوان ماتہ مختلف سیاسی جماعتاں غا اسمبلی رکن غی طرفوں سرحدی رہائشیاں گا مسائل ور پوچھیا گیا ضمنی سوالات غو جواب دیتا واکہ کہیو کہ یوہ ایک انسانی مسئلو ہے اُنہاں نے تسلیم کیو کہ سرحدی علاقوں غا لوک کئی مشکلات غو سامنو کر رہیا ہیں۔ تے اُنہاں نے کہیو اُن غی حکومت اپریل ماتہ سرحدی علاقوں غا اسمبلی اراکین غی ایک میٹنگ کرے غی، تانجے اُن گا مسائل گو حل کڈیو جاسکے۔

SAKEENA COLLEGE

تعلیم بارے محکمہ غی وزیر ستینہ اتو نے اج ایوان ناں جانکاری دیتا واں دسیو ہے جے حکومت جموں کشمیر مانہ نوا قائم کیا گیا ڈگری کالج ناں ضروری ڈھانچو فراہم کرنبارے کم ور غور کر رہی ہے وزیر موصوفہ اج ایوان مانہ ممبر اسمبلی عبدالمجید بھٹ غی طرفوں پوچھیا گیا اکن سوال گاجواب مانہ بول رہیں تھیں اُننے کہی وجے حکومت جموں کشمیر مانہ ۵۰ نوا ڈگری کالج قائم کرن غی خاطر زمین تے عمارتاں بارے سوچ کر رہی ہے وزیر موصوفہ نے یوہ وی کہیو جے نوا ڈگری کالج ناں قیام نال نوا تدریسی تے غیر تدریسی عملہ غی خاطر متی سرمایہ کاری وے گی۔

TB

اج تپ دق غی وعالمی تہاڑو ہے جہیرو بر سال ۴۲ مارچ نانہ منایو جے تانجے اس خطرناک بیماری غی صحت معاشرہ تے معشیت ور پین آلا اثرات گا بارا مانہ لوکاں نانہ آگاہ کیو جاسکے تے اس غا خاتمہ غی کوشش تیز کی جاسکیں۔ اس سال غی موصوع ہے۔ ہاں ہم ٹی بی گو خاتمو کرسکیں عزم کریں سامایو لاویں تے عمل کریں۔ اس سلسلہ مانہ گل کرتا واں سٹیٹ ٹی بی آفیسر ڈاکٹر جیوتی جولی نے اس طرح کہیو۔

LOP

حزب اختلاف غا لیڈر سنیل شرما نے بھارت مانہ پاکستان غی طرفوں دراندازی کرغے دہشت گرداں ناں اس پاسے تورن غی سخت الفاظ مانہ مزمت کی ہے اُن نے کہیو جے حفاظتی دستاں دہشت گردی غا خاتمہ غی خاطر ہر ممکن کوشش کر رہیا ہیں۔ اس سلسلہ مانہ آکاشوانی جموں غا نمائیندہ نے دسیو ہے جے ستیش شرما نے کہی وجے بد قسمتی نال کُج عوامی نمائیندہ اجوں وی پاکستان نال گل بات کرن غی صلاح دے رہی ابیں جناب شرما غی یو بیان جاتے روز کٹھوعہ ضلع غا بیرانگر علاقہ مانہ حفاظتی دستاں تے دہشت گرداں بشکار ہوا ٹاکرا تیں بعد باندے آہو ہے حزب اختلاف غی لیڈر نے کہیو جے پاکستان نے اپنا واسطے آپ کھڈو کھونیو ہے جس غی جواب مہارا حفاظتی دستاں بہادری نال دے غے دہشت گردی ناں جڑ توں پٹ غے سٹن غی کم کر رہیا ہیں سنیل شرما نے پاکستان نال گل بات کرن غی وکالت کرن آلی نیشنل کانفرنس حکومت ور وی سوال چایو ہے۔

SATISH HOSTEL

عوامی نظام تقسیم کاری تے نوجوان خدمات بارے محکمہ غی اوزیر ستیش شرما، غی کہنو ہے جے موجودہ مالی سال غے دوران جموں کشمیر گا گجر بکروال ہوسٹلاں غی خاطر ۸۱ کروڑ ۳۳ لکھ ۴۴ ہزار روپیاں غی رقم دتی گئی ہے وزیر موصوفہ قبائلی بلائی بہتری بارے محکمہ گا وزیر غی طرفوں ممبر اسمبلی افتخار احمد گا سوال غا جواب مانہ بول رہیا تھا جناب شرما نے ایوان ناں جانکاری دیتا واں دسیو ہے جے یاہ رقم ۸۲ گجر بکروال ہوسٹلاں غی خاطر جاری کی گئی ہے جن مانہ ۰۰۳ طالب علماں غا ربن غی صلاحیت موجود ہے۔ وزیر موصوفہ نے یا وی جانکاری دتی ہے جے جموں کشمیر غا ۹ پہاڑی ہوسٹلاں غی خاطر ۲ سو ۴۹ کروڑ روپیاں غی رقم واگزار کی گئی ہے۔

SATISH RATION CARDS

عوامی نظام تقسیم کاری غا وزیر ستیش شرما نے کہیو ہے کہ حکومت جالی راشن کارڈان غا خاتمہ غی خاطر تیزی نال کم کر رہی ہے تاں جے دوجا حق دار لوکاں نانہ راشن کارڈان مانہ شامل کیو جاسکے وزیر موصوف ممبر اسمبلی میر سیف اللہ غی طرفوں چایا گیا سوال غ جواب مانہ بول رہیا تھا وزیر موصوف نے ایوان ناں جانکاری دتی ہے جے جموں کشمیر انتظامی محکمہ یعنی جی اے ڈی نے جعلی راشن کارڈان غی تہقیقات بارے اک حکم نامو پہلاں ہی جاری کردت وے تاں جے عوامی نظام تقسیم کاری مانہ شفافیت آنی جاسکے جناب شرما نے ایوان مانہ بولتا واں یو وی کہی و ہے جے مکمل تحقیقات تیں بعد جعلی راشن کارڈان گو خاتمو کرغے نواں اہل صارفین ناں راشن کارڈ جاری کیا جیں گا۔

SMVDSB DARSHANI DEODI

شری ماتا ویشنو دیوی شرائین بورڈ نے نوی ترین آرائش شدہ درشن ڈیودی تے نوو تعمیر شدہ دو منزلہ قیق کمپلیکس غی تکمیل غو اعلان کیو جہیڑو چھایترہ نوراتری غا بابرتک موقع ور مکمل کیو گیو بنگنگا رستہ ور واقع یوہ ماربل تیں بنع ہر موسم مانہ کارآمد عمارت ایک وقت مانہ ۰۰۲ یاتریاں نانہ سبھال سکے جہیڑا یاتریاں واسطے آرام دن تے سہل یاترا نانہ یقینی بناوے یوہ جدید سہولت نہ صرف مقدس یاترا غی روحانی عظمت نانہ برقرار رکھے بلکہ یاتریاں نانہ مزید بہتر سہولیات فراہم کرن غا بورڈ گا عزم نانہ وی مضبوط کرے۔ اس موقع ور شری ماتا ویشنو دیوی شرائین غا سی ای او انشل گرگ نے کہیو۔

KISHTWAR HANDICRAFTS CAMP

محکمہ دستکاری تے ہتھ کڈی کشتواڑ نے ہائیر سکینڈری سکول اٹھولی پاڈر مانہ ایک آگاہی کیمپ غو انعقاد کیو۔ اس پروگرام غ و مقصد کاریگراں نانہ مختلف سرکاری سکیمان گا بارا مانہ آگاہ کرنو تے انہاں نانہ محکمہ غے نال اندراج کرن غی ترغیب دینو تھو تانجے وہ ان سکیمان غ وفاندو حاصل کرسکیں۔ اس تقریب مانہ پاڈر علاقہ غا ۰۰۱ تیں متہ کاریگراں غے علاوہ محکمہ دستکاری غا افسراں نے وی شرکت کی۔ کشتواڑ دستکاری تے ہتھ کڈی غا ایسیسٹنٹ دائریکٹر پردیپ شان نے شرکاء نانہ مختلف سکیمان جسراں کہ کرڈٹ کارڈ سکیم پردھان منتری ویوی مدرا یوجنہ تے فائینشیل سپورٹ سکیم غا بارا مانہ تفصیل تیں آگاہ کیو۔

PM MKB

وزیر اعظم نریندرمودی ملک تے بیرون ملک مانہ رہ رہیا بھارتی شہریاں سنگ آئندہ 30 مارچ نانہ آکا ش وانی ور من کی بات پروگرام غا اپنا ماہانہ وار پروگرام مانہ اپنا خیالات سانجہ کریں گا۔ یا ماہانہ وار پروگرام غا 120 ویں قسط وے غی۔ لوگ اپنا خیالات تے تجویز ٹول فری نمبر 1800117800 ور ڈائل کر غے روانہ کرسکیں۔ اس توں علاوہ نریندرمودی ایپ یاہ فر مائی گوو

اوپن فورم ور وی اپنا خیالات تے تجویز روانہ کی جا سکیں۔ یہ تجویز اس مہینہ غی 28 تا ریخ توڑی ہی قابل قبول ویں گی۔ یوہ پروگرام آکا ش وانی، دور درشن، اے آئی آر نیوز ویب سائٹ تے نیوز آن انر مو بائل ایپ ور نشر تے ٹیلی کاسٹ کیو جائے گو۔ اس توں علاوہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و نشریات غی وزارت غا یوٹیوب چینلاں ور وی براہ راست نشر تے ٹیلی کاسٹ کیو جائے گو۔ آکا ش وانی اس پروگرام نانہ ہندی نشریات تیں فوراً بعد علاقائی زبانان مانہ وی نشر کرے گو۔
